

छवआ मन केर बाइबिल
प्रस्तुत

पहिला जी
उठना परब



लिखेख वाला: Edward Hughes

उधारण देवे वाला: Janie Forest

उपाय करे वाला: Lyn Doerksen

अर्थ बताएक वाला: Anugrah Stosh Kindo

बनाएक वाला: Bible for Children
www.M1914.org

©2015 Bible for Children, Inc.

अनुमति: तौंय इके छाईप सकिसला और दुसर भी बनाएक
सकिसला मागुर वेईच नी सकिसला ।



एगो जनी खड़ा होई के पहाड़ बाटे देखत
राहे जोन पहाड़ बाट से जोर से चिललएक
कर आवाज आवत रहे ।

उकर दुखिया आइंख
भयानक दृश्य के
देखत राहे । उकर
छउवा मोरत रहे ।
उ माँ मरियम
राहे । और उ
हंवा ठहड़ैय रहे
जोन ठीना यीशु
के क्रूस में
टोंकत राहैं ।





ई सोभे का नियर होलक ?
कनियर यीशु इतई भयानक
रूप से एतई सुंदर जीवन
के सिराए देलक । कहे ईश्वर
एसन होवेक देलक
की अपन बेटा
के करूस में
ठोकैय के मोरेक
देलक । जे यीशु
रहलक उकर में उ
कोनो गलती कईर
राहे ? का ईश्वर
असफल होलक ?





नहीं, ईश्वर असफल नी
होलक । यीशु कोनो गलती
नी कईर राहें । यीशु हरदम
जानत राहे की जालसाज
मनोवा मन मोके मोरायं
देबैय । जेखन यीशु छोटका
छउवा राहे, एगो मनोवा
जेकर नाम साइमन रहे, उ
मरियम के कैइह राहे की
आगे उकर ले दुःख अवाई ।



यीशु केर
हत्या होवेक
से थोड़े दिना
आगे, एगो जानी
आय राहे और बेस
गम्केक वाला सुगन्धित
द्रव्य के डाइराहे । उकर
चेला चपाटी मन खालायं
की ई जानी टाका पोइसा
के बर्बाद करा थे । यीशु
कहलाक ई जानी बहुते
बढ़िया काम कईर है ।
का अनोखा बात की, उ
मोर दफनायेक केर
किरया के कईर हे ।



इकर बादे यीशु केर १२ चेला में
से एगो चेला यहूदा ३० चांदी
केर पैसा खातिर यीशु के धोखा
से से मुख्या परोहित मना
के सोंपेके ले सहमत
होई गेलक ।






यहूदी मानक फसह परब बेरा,
यीशु अपन चेला मन से आखरी
भोज करलक । जे मन उकर से
प्रेम करै ना, उमन के ईश्वर
केर बिसय बढ़िया गोट के और
प्रतिज्ञा के कहलक । उकर बादे
यीशु कटोरा और प्याला, अपन
चेला मन के देलक । ई यईद

करवाक ले की यीशु केर
लोह और देह
मनोवा केर
पाप क्षमा
लगीन आहे ।



तब यीशु अपन संगी मन के कहलका की मोकें छल कईर
के धरबायं और तुहिन भईग जबा । जोर देई के पतरस
कहलक मोयं नी भागबुं यीशु कहलक, ईकर से आगे की
मुरगा बांग देवी, तोंय तीन धांव मोर इंकार करबे ।





उकर बादे राईत बेरा,
यीशु गेत्सेमानी बगीचा
में प्रार्थना करेक चईल
गेलक । चेला मना जे
उकर संगे राहें निदयेक
लागलें । यीशु प्रार्थना
करेक लगल्क की ओ
मोर बाप ई प्याला मोर
आगे से हईट जाई, सेकरो
में मोर निही लेकुन तौय
जइसन चाहिसला ।



अचके एगो अकरमक मनोवा भीड़ यहदा केर
अगुवाई में बगीचा भीतरे आलाक । यीशु उ
मन कर बिरोध नी करलक, लेकन पतरस
एगो मनोवा केर कान के कईटे देलक,
तुरते यीशु उ मनोवा के चंगा
कईर देलक । यीशु
जानत राहे की उकर
धरयेक ईश्वर केर
योजना आहे ।



उ भीड़ यीशु के सोभ से ऊँच पद केर प्रोहित घर लेग्लायं ।
हुंवा यहूदी मनक अगुवा कहलक की यीशु के मोरेक होवी ।

नजदीक में काठी जलत
राहे और ओहे ठीना
पतरस ठाँडय के सोभ
के देखत राहे ।





पतरस के यीशु से तीन बेर जोडक कर कोसिस करलांय
की तौंय भी तौं उकर संगे रिहिस । तीनों बेरा पतरस यीशु
के नकईर देलक । जईसन
की यीशु उके कहई
रेहे । बल्कि पतरस
सपत खाय राहे ।



मुरगा-ए-कोंकरेचो-कोंकरेचो

तुरते उकर बादे, मुरगा
बांग देलक । ई पतरस ले
ईश्वर केर आवाज लेखे राहे
। यीशु केर बात के यईद
कईर के पतरस जोर जोर
से कन्देक लगलक ।





यहदा हों पस्तालक, उ जानत
राहँ की यीशु कोनो गलत काम
या पाप काम नी कईर है की
उके अपराधी गिनल जाये ।
यहदा उ ३० चाँदी केर पैसा
के घुरयेक गेलक लेकून प्रोहित
मन उके वापस
निहीं लेलें ।





यहदा टाका पैसा के
धरती केर निचे फेयीक
देलक । उकर बादे बहरे
गेलक और अपने आप
के फंसी लगाए लेलक ।






यहूदी आगुवा मन यीशु
के रोम शासक पिलातुस
केर आगे लंनलयां
पिलातुस कहलक माँय
ईकर में कोनो दोष नी
पवोना । लेकन भीड़
लगातार कहतें राहें की
ईके कुरुस में चदवा
कुरुस में ।




आखिरकार पिलातुस उ मन के देई
देलक और फैसला सुनालक की यीशु के
कुरुस उपरे मरेक ले । सैनिक मन घुसा
मारेक लागलंय और उकर उपरे थुकेक
लागलंय और तच्छ मनोवा कहलंय ।
उ मन एगो नुकीला कंटीला झाड़ी कर
पगड़ी बनाएके यीशु केर सर उपरे जोर
से दबयंलें और रखलायं । तब उके
काठी केर कुरुस में मोरेक
ले ठोईक देलायें ।



यीशु सोभे बेरा जानत राहे की उ ई नियर मोरी । उ ई
भी जानत राहे की जे उकर उपरे विस्वश करबैं उ पापी ले
उकर मोरेक पाप क्षमा के लानी । दुगो चोरया डकैत मन भी
कुरुस में टांगल रहें । एगो

यीशु उपरे विस्वाश
करलक और
स्वर्ग चईल
गेलक । दुसर
वाला इंकार
करलक ।



करूस में चढ़याक केर एक घंटा
बाँदे यीशु कहलक, ई कहलक
और मोड़र गेलक की मोर
काम पूरा होलक । उकर
संगी मने दुसर मानक
कबर में दफनाय
देलायैँ ।



तब रोमन सैनिक कबर में
ताला लगालाएं और पहरा
बैठाय देलयं । एखन
केहो ना भीतरे जाए
सकेना और ना केहो
बहरे आए सकेना ।



येदी ई सोभे घटना केर छोर
होतलक तो कतई शोक कर
बात होतलक । लेकिन
ईश्वर कोनो अचरज
काम करलक ।
यीश मोरल
नीहीं रहलक ।



भोर बेरा बहते बिहाने सप्ताह केर
पहिला दिनाँ, येशु केर थोड़े चेला
मन पखान के कबर केर दुरा
से हटल पालयें । जेखन
उ मन भीतरे देखलें,
यीशु हुवां नी रहे ।



एगो जानी कबर ठीना रुईक के कहत
राहे की यीशु उकर ठीना आएगेलक
उ बड़ी आनंद से दौड़ते चईल देलक
दुसर चेला मन के बताएक
लगीन । की यीशु जिन्दा
आहे । यीशु मोरल से
घुईर आलाक ।



तुरते यीशु चेला मन ठीना आलाक और
काँटी ठोकल घाव के देखालक । ई सच राहे की
यीशु दुबारा जींदा होई गेलक । उ पतरस के क्षमा
कईर दैलक । और चेला मन के कहलक की सोभ
कोई के मोर बारे में बतावा । उकर बाद उ स्वर्ग
चईल गेलक जहाँ से उ पहिला क्रिसमस में
आए रहलक ।



पहिला जी उठना परब

बाइबिल इश्वर केर वचन कर कथा हेके

ई हमीन के मिलेला


मत्ती २६-२८, लुका २२-२४, जोहन १३-२१

“तोर सुरवाती बतिया इंजोत कर कम करेला.”

भजन संहिता ११९:१३०



सिरालक



ई बाइबिल कथा, अद्भुत ईश्वर केर बारे जे हमीन के बनालक और चाहेला की तोंय उके जान ।

ईश्वर जानेला की हमीन गलत कम कईर ही, उ उके पाप कहेला । पाप कर सजा तो मोरेक है, लेकिन ईश्वर तोके बहुते प्रेम करेला, उ अपन एके ठोह छउवा जे रहलक सेके भैजलक, “उ यीशु हँके” जे की करूस में तोर पाप केर सजा खातिर मोरलाक । और यीशु जीवन में फिर घईर आलाक और अपन घर स्वर्ग चईल गेलक । येदी तोंय यीशु में पातीयाबे और तोर पाप केर क्षमा मंगबे, तो उ तोके क्षमा कईर देवी । उ आवी और एखन से तोर भीतरे रहेक शुरू करी और तोंय उकर संगे गोटा जींदगी राहबे ।

येदी तोंय पतियाईसला की ई सच्च हेके तो ई तोंय ईश्वर से बोल । दुलार यीशु मोंय पतियोवना की तोंय ईश्वर हेकिस, और मनोवा बाईन मोर पाप खातिर मोरले, और एखन तोंय फिर से जीन्दा होइजा हीस । दया कईर के मोर जीवन में आव और मोर पाप के क्षमा कईर दे ताकी मोंय अब से नवा जीवन जीबुं, और एक दिना जिन्दगी भईर ले तोर संगे चईल जाबुं । मोके मदत कर तोर वचन के मानेक में ताकि तोर छउवा बाईन के तोर ले जीवन जी सकबुं । आमीन ।

रोईज दिना बाइबिल पाईढ़ के ईश्वर संगे बतियओ । जोहन 3:16

